



**Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 73. Exordia belli in Aquitania

---

[urn:nbn:de:hbz:466:1-66507](#)

Sæcul. XV.  
A.C. 1451.

§. LXXIII.

*Exordia belli in Aquitannia.*

*Joa. Chart. hist. Carol.* Bellicis in Aquitannia expeditionibus initium fecit Dunensis Comes, qui *VII. p. 222.* jussu Regis, tunc Turonii agentis *Montguyonensi* urbi obsidionem inferebat. *Esseq.* Huic sese quoque jungebant Engolismensis Comes Aureliae Ducas frater, Johannes Burellius in Francia Thesauri Praefectus, & Petrus Lovaniensis unacum quadringentis Lanceariis, liberisque (<sup>\*</sup>) Sagittariis, quorum numerus facile tria milia superabat. Urbs ista, quam Ragnaldus a Sancto Joanne natione Vasco pro Anglis propugnaverat, octavum duntaxat diem Gallorum impetus sustinuit, sexta etenim Maji die ad deditio[n]em coacta fuit. Octavo post die idem Dunensis Comes Blaviam cinxit, Joanne Bourserio interea classe sua ad maris oram eandem circumfidente. Submittebant quidem Burdegalenses urbi laboranti quinque majores triremes, quæ tamen profligatae, atque in fugam actae fuerant. Urbs igitur terra marique acerrime pressa, murisque sat ampla ad irrumpendum ruina incussa fuit, unde Galli nova agressione tentata, urbem vi ceperunt.

§. LXXIV.

(\*) Ita dicti, quia a tributis omnibus immuniti erant.